

究竟一乘寶性論

卷一

二百五十二
力四

49287



佛日增輝
機輪常轉
帝新緝邑
十一月三日重脩
山城州天安寺法金剛院置



究竟一乘寶性論卷第一

元魏天竺三藏

勒那摩提譯

本教化品第一

我今悉歸命

一切無上尊

為聞法王藏

廣利諸群生

諸佛勝妙法

謗以為非法

愚癡無智慧

迷於邪正故

具足智慧人

善分別邪正

如是作論者

不違於正法

順三乘菩提

對三界煩惱

雖是弟子誥

正取邪則捨

善說名句義

初中後功德

智者聞是義

不取於餘法

如我知佛意

堅住深正義

如實修行者

同取於佛語

雖無善巧言

但有真實義

彼法應受持

究竟一乘寶性論卷第一

元魏天竺三藏

勒那摩提譯

本教化品第一

我今悉歸命一切無上尊

為聞法王藏

廣利諸群生

諸佛勝妙法

謗以為非法

愚癡無智慧

迷於邪正故

具足智慧人

善分別邪正

如是作論者

不違於正法

順三乘菩提

對三界煩惱

雖是弟子造

正取邪則捨

善說名句義

初中後功德

智者聞是義

不取於餘法

如我知佛意

堅住深正義

如實修行者

同取於佛語

雖無善巧言

但有真實義

彼法應受持

如取金捨石

妙義如真金

巧語如瓦石

依名不依義

彼人無明盲

依自罪業障

謗諸佛妙法

如是之人等

則為諸佛呵

或有取他心

謗諸佛妙法

如是之人等

則為諸佛呵

為種種供養

謗諸佛妙法

如是之人等

則為諸佛呵

愚癡及我慢

樂行於小法

謗法及法師

則為諸佛呵

外現威儀相

不識如來教

謗法及法師

則為諸佛呵

為求名聞故

起種種異說

謗法及法師

則為諸佛呵

說乖修多羅

言是真實義

謗法及法師

則為諸佛呵

求利養攝眾

誑惑無智者

謗法及法師

則為諸佛呵

佛觀如是等

極惡罪眾生

慈悲心自在

為說法除苦

深智大慈悲

能如是利益

我說不求利

為正法久住

究竟一乘寶性論本佛寶品第二

佛體無前際

及無中間際

亦復無後際

寂靜自覺知

既自覺知已

為欲令他知

是故為彼說

無畏常恒道

佛能執持彼

智慧慈悲刀

及妙金剛杵

割截諸苦牙

摧碎諸見山

覆藏顛倒意

及一切調林

故我今敬禮

究竟一乘寶性論本法寶品第三

非有亦非無

亦復非有無

亦非即於彼

亦復不離彼 不可得思量 非聞慧境界

出離言語道 內心知清涼 彼真妙法日

清淨無塵垢 大智慧光明 普照諸世間

能破諸瞋障 覺觀貪瞋癡 一切煩惱等

故我今敬禮

究竟一乘寶性論本僧寶品第四

正覺正知者 見一切眾生 清淨無有我

寂靜真實際 以能知於彼 自性清淨心

見煩惱無實 故離諸煩惱 無障淨智者

如實見眾生 自性清淨性 佛法僧境界

無礙淨智眼 見諸眾生性 遍無量境界

故我今敬禮

問曰依何等法有此三寶。答曰。偈言。
真如有雜垢。及遠離諸垢。佛無量功德。
及佛所作業。如是妙境界。是諸佛所知。
依此妙法身。出生於三寶。
究竟一乘寶性論本一切衆生有如來藏品
第五

問曰云何得知一切衆生有如來藏。答曰。偈言。
一切衆生界。不離諸佛智。以彼淨無垢。
性體不二故。依一切諸佛。平等法性身。
知一切衆生。皆有如來藏。
又復略說偈言。

體及因果業

相應及以行

時差別遍

不變無差別

彼妙義次第

第一真法性

我如是略說

汝今應善知

此偈明何義偈言

自性常不染

如寶空淨水

信法及般若

三昧大悲等

淨我樂常等

彼岸功德果

厭苦求涅槃

欲願等諸業

大海珍寶水

無量不可盡

如燈明觸色

性功德如是

見實者說言

凡夫聖人佛

衆生如來藏

真如無差別

有不淨有淨

及以善淨等

如是次第說

衆生菩薩佛

如空遍一切

而空無分別

自性無垢心

亦遍無分別

如虛空遍至

體細塵不染

佛性遍衆生

諸煩惱不染

如一切世間

依虛空生滅

依於無漏界

有諸根生滅

人不燒虛空

若燒無是處

如是老病死

不能燒佛性

地依於水住

水復依於風

風依於虛空

空不依地等

如是陰界根

住煩惱業中

諸煩惱業等

住不善思惟

不善思惟行

住清淨心中

自性清淨心

不住彼諸法

陰入界如地

煩惱業如水

不正念如風

淨心界如空

依性起邪念

念起煩惱業

依因煩惱業

能起陰界入

依止於五陰

界入等諸法

有諸根生滅

如世界成壞

淨心如虛空

無因復無緣

及無和合義

亦無生任滅

如虛空淨心

常明無轉變

為虛妄分別

客塵煩惱染

菩薩摩訶薩

如實知佛性

不生亦不滅

又無老病等

菩薩如是知

得離於生死

憐愍眾生故

示現有生滅

佛身不變異

以得無盡法

眾生所歸依

以無邊際故

常住不二法

以離妄分別

恒不執不作

清淨心力故

法身及如來

聖諦與涅槃

功德不相離

如光不離日

究竟一乘寶性論本無量煩惱所纏品第六

萎華中諸佛

眾蜂中美蜜

皮糲中堅實

糞穢中真金

地中珍寶藏

諸菓子中芽

朽故弊壞衣

纏裹真金像

貧賤醜陋女

懷轉輪聖王

焦黑泥摸中

有上妙寶像

衆生貪瞋癡

妄想煩惱等

塵勞諸垢中

皆有如來藏

華蜂糞穢

地菓故弊衣

貧賤女泥摸

煩惱垢相似

佛蜜實真金

寶牙金像王

上妙寶像等

如來藏相似

問曰華佛譬喻爲明何義答曰言萎華者喻諸煩惱言諸佛者喻如來藏偈言

功德莊嚴佛

住在萎華中

淨天眼者見

去華顯諸佛

佛眼觀自法

遍一切衆生

下至阿鼻獄

具足如來藏

自處常住際

以慈悲方便

令一切衆生

遠離諸障礙

如朽故華中

有諸佛如來

天眼者見知

除去萎華菓

如來亦如是

見貪煩惱垢

不淨衆生中

具足如來藏

以大慈悲心

憐愍世間故

為一切衆生

除煩惱華葉

問曰蜂蜜譬喻為明何義答曰言群蜂者喻

諸煩惱言美蜜者喻如來藏偈言

上妙美味蜜

為群蜂圍遶

須者設方便

散蜂而取蜜

如來亦如是

以一切智眼

見諸煩惱蜂

圍遶佛性蜜

以大方便力

散彼煩惱蜂

顯出如來藏

如取蜜受用

猶如百千億

那由他諸虫

遮障微塵蜜

無有能近者

有智者須蜜

殺害彼諸虫

取上美味蜜

隨意而受用

無漏智如蜜

在衆生身中

煩惱如毒虫

如來所殺害

問曰糴實譬喻為明何義答曰言皮糴者喻

諸煩惱言內實者喻如來藏偈言

穀實在糴中

無人能受用

時有須用者

方便除皮糴

佛見諸衆生

身有如來性

煩惱皮糴纏

不能作佛事

以善方便力

令三界衆生

除煩惱皮糴

隨意作佛事

如稻穀麥等

不離諸皮糴

內實未淨治

不任美食用

如是如來藏

不離煩惱糴

令一切衆生

煩惱所飢渴

佛自在法王

在衆生身中

能示以愛味

除彼飢渴苦

問曰糞金譬喻為明何義。答曰糞穢譬喻者諸煩惱相似真金譬喻者如來藏相似偈言如人行遠路遺金糞穢中經百千歲住如本不變異淨天眼見已遍告衆人言此中有真金汝可取受用佛觀衆生性沒煩惱糞中為欲拔濟彼雨微妙法雨如於不淨地漏失真金寶諸天眼了見衆生不能知諸天既見已語衆悉令知教除垢方便得淨真金用佛性金亦不墮煩惱穢中如來觀察已為說清淨法問曰地寶譬喻為明何義。答曰地譬喻者諸煩惱相似寶藏譬喻者如來藏相似偈言

譬如貧人舍

地有珍寶藏

彼人不能知

寶又不能言

眾生亦如是

於自心舍中

有不可思議

無盡法寶藏

雖有此寶藏

不能自覺知

以不覺知故

受生死貧苦

譬如珍寶藏

在彼貧人宅

人不言我貧

寶不言我此

如是法寶藏

在眾生心中

眾生如貧人

佛性如寶藏

為欲令眾生

得此珍寶故

彼諸佛如來

出現於世間

問曰菓芽譬喻為明何義答曰菓皮譬喻者

諸煩惱相似子牙譬喻者如來藏相似偈言

如種種菓樹

子牙不朽壞

種地中水灌

生長成大樹

一切諸眾生

種種煩惱中

皆有如來性

無明皮所纏

種諸善根地

生彼菩提牙

次第漸增長

成如來樹王

依地水火風

空時日月緣

多羅等種內

出生大樹王

一切諸衆生

皆亦復如是

煩惱菓皮內

有正覺子牙

依白淨等法

種種諸緣故

次第漸增長

成佛大法王

問曰衣像譬喻為明何義答曰弊衣譬喻者

諸煩惱相似金像譬喻者如來藏相似偈言

弊衣纏金像 在於道路中 諸天為人說

此中有金像 種種煩惱垢 纏累如來藏

佛無障眼見 下至阿鼻獄 皆有如來身

為令彼得故 廣設諸方便 說種種妙法

金像弊衣纏

墮在曠野路

有天眼者見

為淨示眾人

眾生如來藏

煩惱爛衣纏

在世間險道

而不自覺知

佛眼觀眾生

皆有如來藏

為說種種法

令彼得解脫

問曰女王譬喻為明何義答曰貧女譬喻者

諸煩惱相似歌羅邏四大中有轉輪王身喻

者生死歌羅邏藏中有如來藏轉輪王相似

得言

譬如孤獨女

住在貧窮舍

身懷轉輪王

而不自覺知

如彼貧窮舍

三有亦如是

懷胎女人者

喻不淨眾生

如彼藏中胎

眾生性亦然

內有無垢性

名為不孤獨

貧女垢衣纏 極醜陋受苦 處於孤獨舍

懷妊王重擔 如是諸煩惱 染汗衆生性

受無量苦惱 無有歸依處 實有歸依處

而無歸依心 不覺自身中 有如來藏故

問曰摸像譬喻為明何義答曰泥摸譬喻者

諸煩惱相似寶像譬喻者如來藏相似偈言

如入融真金 鑄在泥摸中 外有焦黑泥

內有真金像 彼人量已冷 除去外泥障

開摸令顯現 取內真金像 佛性常明淨

客塵所染汙 諸佛善觀察 除障令顯現

離垢明淨像 在於泥摸中 鑄師知無熱

然後去泥障 如來亦如是 見衆生佛性

儼然處煩惱 如像在摸中 能以巧方便

善用說法推 打破煩惱摸 顯發如來藏

究竟一乘寶性論本為何義說法品第七

問曰餘修多羅中皆說一切空此中何故說

有真如佛性偈言

處處經中說 內外一切空 有為法如雲

及如夢幻等 此中何故說 一切諸眾生

皆有真如性 而不說空寂

荅曰偈言

以有怯弱心 輕慢諸眾生 執著虛妄法

謗真如實性 計身有神我 為今如是等

遠離五種過 故說有佛性

究竟一乘寶性論本身轉清淨成菩提品第八

淨得及遠離 自他利相應 依止深大史

究竟一乘寶性論本身轉清淨成菩提品第八

淨得及遠離 自他利相應 依止深大快

如彼所為義

初說佛菩提及得菩提方便偈言

向說佛法身 自性清淨體 為諸煩惱垢

客塵所染汙 譬如虛空中 離垢淨日月

為彼厚密雲 羅網之所覆 佛功德無垢

常恒及不變 不分別諸法 得無漏真智

次說無垢清淨體偈言

如清淨池水 無有諸塵濁 種種雜華樹

周匝常圍遶 如月離羅睺 日無雲翳等

無垢功德具 顯現即彼體 蜂王美味蜜

堅實淨真金

寶藏大藥樹

無垢真金像

轉輪聖王身

妙寶如來像

如是等諸法

即是如來身

次說成就自利利他偈言

無漏及遍至

不滅法與恒

清淨不變異

不退寂靜處

諸佛如來身

如虛空無相

為諸勝智者

作六根境界

示現微妙色

出于妙音聲

令興佛戒香

嘗佛妙法味

使覺三昧觸

今知深妙法

細思惟稠林

佛離虛空相

次說第一義相應偈言

如空不思議

常恒及清涼

不變與寂靜

遍離諸分別 一切處不著 離礙塵澀觸

亦不可見取 佛淨心無垢

次說佛法身偈言

非初非中後 不破壞不二 遠離於三界

無垢無分別 此甚深境界 非二乘所知

具勝三昧慧 如是人能見 出過於恒沙

不思議功德 唯如來成就 不與餘人共

如來妙色身 清淨無垢體 遠離諸煩惱

及一切習氣 種種勝妙法 光明以為體

令衆生解脫 常無有休息 所作不思議

如摩尼寶王 能現種種形 而彼體非實

為世間說法 示現寂靜處 教化使淳熟

授記今入道 如來鏡像身 而不離本體

猶如一切色 不離於虛空

次說如來常住身偈言

世尊體常住 以修無量因 衆生界不盡

慈悲心如意 智成就相應 法中得自在

降伏諸魔怨 體寂靜故常

次說不可思議體偈言

非言語所說 第一義諦攝 離諸覺觀地

無譬喻可說 最上勝妙法 不取有涅槃

非三乘所知 唯是佛境界

究竟一乘寶性論如來功德品第九

自利亦利他 第一義諦身 依彼真諦身

有此世諦體 果遠離淳熟 此中具足有

六十四種法 諸功德差別

略說偈言

佛力金剛杵 破無智者障 如來無所畏

處眾如師子 如來不共法 清淨如虛空

如彼水中月 眾生二種見

初說十力偈言

處非處果報 業及於諸根 性信至處道

離垢諸禪定 憶念過去世 天眼寂靜智

如是等諸句 說名十種力

如金剛杵者偈言

處非處業性 眾生諸信根 種種道修地

過宿命差別 天眼漏盡等 佛力全同柱

能刺摧散破 癡鎧山墻樹

次說四無畏偈言

如實覺諸法 遮諸礙道障 說道得無漏

是四種無畏 於所知境界 畢竟知自他

自知教他知 此非遮障道 能證勝妙果

自得令他得 說自他利諦 是諸處無畏

如師子王者偈言

譬如師子王 諸獸中自在 常在於山林

不怖畏諸獸 佛人王亦尔 處於諸群衆

不畏及善住 堅固奮迅等

次說佛十八不共法偈言

佛無過無諍

無妄念等失

無不定散心

無種種諸想

無作意護心

欲精進不退

念慧及解脫

知見等不退

諸業智為本

知三世無障

佛十八功德

及餘不說者

佛身口無失

若他來破壞

內心無動相

非作心捨心

世尊欲精進

念淨智解脫

知見常不失

示現可知境

一切諸業等

智為本展轉

三世無障礙

廣大智行常

是名如來體

大智慧相應

覺彼大菩提

最上勝妙法

為一切眾生

轉於大法輪

無畏勝妙法

令彼得解脫

次說虛空不相應義偈言

地水火風等

彼法空中無

諸色中亦無

虛空無礙法

諸佛無障礙

猶如虛空相

如來在世間

如地水火風

而諸佛如來

所有諸功德

乃至無一法

共餘世間有

次說三十二大人相偈言

足下相平滿

具足千輻輪

跟臍趺上隆

伊尼鹿王踰

手足悉柔軟

諸指皆纖長

鵝王網縵指

臂肘上下臍

兩肩前後平

左右俱圓滿

立能手過膝

馬王陰藏相

身臍相洪雅

如尼拘樹王

體相七處滿

上半如師子

威德勢堅固

猶如那羅延

身色新淨妙

柔軟金色皮

淨軟細平密

一孔一毛生

毛柔軟上靡

微細輪右旋

身淨光圓匝

頂上相高顯

項如孔雀王

頤方若師子

髮淨金精色

喻如因陀羅

額上白毫相

通面淨光明

口含四十齒

二牙白喻雪

深密內外明

上下齒齊平

迦陵頻伽聲

妙音深遠聲

所食無完過

得味中上味

細薄廣長舌

二目淳紺色

眼睜若牛王

功德如蓮華

如是說人尊

妙相三十二

一一不雜亂

普身不可嫌

次說如水中月偈言

秋空無雲翳

月在天及水

一切世間人

皆見月勢力

清淨佛輪中

具功德勢力

佛子見如來 功德身亦尔

究竟一乘寶性論本自然不休息佛業品第十

於可化衆生 以教化方便 起化衆生業

教化衆生界 諸佛自在人 於可化衆生

常待時待處 自然作佛事 遍覺知大乘

最妙功德聚 如大海水寶 如來智亦尔

菩提廣無邊 猶如虛空界 放無量功德

大智慧日光 遍照諸衆生 有佛妙法身

無垢功德藏 如我身無異 煩惱障智障

雲霧羅網覆 諸佛慈悲風 吹令散滅盡

次說大乘譬喻略說偈言

帝釋妙鼓雲 梵天日摩尼 響及虛空地

如來身亦尔

初說帝釋鏡像譬喻偈言

如彼毗琉璃 清淨大地中

天主帝釋身

於中鏡像現 如是衆生心

清淨大地中

諸佛如來身 於中鏡像現

帝釋現不現

依地淨其淨

如是諸世間

鏡像見不見

如來有起滅

依處不濁心

如是諸衆生

鏡像見不見

天主帝釋身

鏡像有生滅

不可得說有

不可得說無

如來身亦尔

鏡像有生滅

不可得說有

不可得說無

如地普周遍

遠離高下穢

大琉璃明淨

離垢功德平

以彼毗琉璃

清淨無垢故

天主鏡像現

及莊嚴具生

若男若女等

於中見天主

及妙莊嚴具

作生彼處願

衆生爲生彼

修行諸善行

持戒及布施

散華捨珍寶

後時功德盡

地滅彼亦滅

心琉璃池淨

諸佛鏡像現

諸佛子菩薩

見佛心歡喜

爲求菩提故

起願修諸行

不生不滅者即是如來偈言

八

如毗琉璃滅

彼鏡像亦滅

無可化衆生

如來不出世

琉璃寶地淨

示現佛妙像

彼淨心不壞

信根牙增長

白淨法生滅

佛像亦生滅

如來不生滅

猶如帝釋王

此業自然有

見是等現前

法身不生滅

盡諸際常住

次說天中妙鼓譬喻偈言

天妙法鼓聲

依自業而有

諸佛說法音

衆生自業聞

如妙聲遠離

功用處身心

今一切諸天

離怖得寂靜

佛聲亦如是

離功用身心

今一切衆生

得證寂滅道

於彼戰鬥時

為破修羅力

因鼓出畏聲

令修羅退散

如來為衆生

滅諸煩惱苦

為世間說法

亦勝禪定道

一切世間人不覺自過失偈言

聾不聞細聲

天耳聞不遍

唯智者境界

以聞心不染

次說雲雨譬喻偈言

智有起悲心 遍滿世間處

定持無垢葢

佛雨淨穀因 世間依善業

依風生雲雨

依悲等增長 佛妙法雲雨

依止器世間雨水味變壞偈言

譬如虛空中 雨八功德水

到鹹等住處

生種種異味 如來慈悲雲

雨八聖道水

到衆生心處 生種種解味

無差別心偈言

信於妙大乘 及中謗法者

人遮多鳥鬼

此三聚相似 正定聚衆生

習氣不定聚

身見邪定聚 邪見流生死

秋天無雲雨

人空鳥受苦

夏天多雨水

燒鬼令受苦

佛現世不現

悲雲雨法雨

信法器能得

謗法有不聞

不護衆生偈言

天雨如車軸

澍下衝大地

雹及霹靂石

金剛暴火等

不護微細虫

山林諸菓樹

草穀稻糧等

行人故不雨

如來亦如是

於麤細衆生

相應諸方便

般若悲雲雨

諸煩惱習氣

我邪見衆生

如是種種類

一切智不護

為滅苦火偈言

知病離苦因

取無病修藥

苦因彼滅道

知離觸修等 無始世生死 彼流轉五道

五道中受樂 猶如臭爛糞 寒熱惱等觸

諸苦畢竟有 為令彼除滅 降大妙法雨

知天中退苦 人中追求苦 有智者不求

人天自在樂 慧者信佛語 已信者知苦

亦復知苦因 觀滅及知道

次說梵天譬喻偈言

梵天過去願 依諸天淨業 梵天自然現

化佛身亦尔 梵宮中不動 常現於欲界

諸天見妙色 失五欲境界 佛法身不動

而常現世間 衆生見歡喜 不樂諸有樂

有現不現偈言

從天退入胎

現生有父母

在家示嬰兒

習學諸伎藝

戲樂及遊行

出家行苦行

現就外道學

降伏於天魔

成佛轉法輪

示道入涅槃

諸薄福衆生

不能見如來

次說日譬喻偈言

如日光初出

普照諸蓮華

有同一時開

亦有一時合

佛日亦如是

照一切衆生

有智如華開

有罪而華合

如日照水華

而日無分別

佛日亦如是

照而無分別

次第偈言

日初出世間

千光次第照

先照高大山

後照中下山

佛日亦如是

次第照世間

先照諸菩薩 後及餘衆生

光明輪不同偈言

色智身二法 大悲身如空

遍照諸世間

故佛不同日 日不能遍照

諸國土虛空

不破無明暗 不示可知境

放種種諸色

光明雲羅網 示大慈悲體

真如妙境界

佛入城聚落 無眼者得眼

見佛得大利

亦滅諸惡法 無明沒諸有

邪見黑闇障

如來日光照 見慧未見處

次說摩尼珠譬喻偈言

一時同處住 滿足所求意

摩尼寶無心

而滿衆生願 自在大法王

同住於悲心

衆生種種聞 佛心無分別

次說響譬喻偈言

譬如諸響聲 依他而得起

非內非外住 如來聲亦尔 依他心而起

自然無分別 非內非外住

次說虛空譬喻偈言

無物不可見 無觀無依止 過眼識境界

無色不可見 空中見高下 而空不如是

佛中見一切 其義亦如是

次說地譬喻偈言

一切諸草木 依止大地生 地無分別心

而增長成就 衆生心善根 依止佛地生

佛無分別心

而增廣成就

佛聲猶如響

以無名字說

佛身如虛空

遍不可見常

如依地諸法

一切諸妙藥

遍為諸眾生

不限於一人

依佛地諸法

白淨妙法藥

遍為諸眾生

不限於一人

究竟一乘寶性論本校量信功德品第十一

佛性佛菩提

佛法及佛業

諸出世淨人

所不能思議

此諸佛境界

若有能信者

得無量功德

勝一切眾生

以求佛菩提

不思議果報

得無量功德

故勝諸世間

若有人能捨

摩尼諸珍寶

遍布十方界

無量佛國土

為求佛菩提

施與諸法王

是人如是施

無量恒沙劫

若復有人聞

妙境界一句

聞已復能信

過施福無量

若有智慧人

奉持無上戒

身口意業淨

自然常護持

為求佛菩提

如是無量劫

是人所得福

不可得思議

若復有人聞

妙境界一句

聞已復能信

過戒福無量

若人入禪定

焚三界煩惱

過天行彼岸

無菩提方便

若復有人聞

妙境界一句

聞已復能信

過禪福無量

無慧人能捨

唯得富貴報

修持禁戒者

得生人天中

修行斷諸障

悲慧不能除

慧除煩惱障

亦能除智障

聞法為慧因

是故聞法勝

何況聞法已

復能生信心

我此所說法

爲自心清淨

依諸如來教

修多羅相應

若有智慧人

聞能信受者

我此所說法

亦爲攝彼人

依燈電摩尼

日月等諸明

一切有眼者

皆能見境界

依佛法光明

慧眼者能見

以法有是利

故我說此法

若一切所說

有義有法句

能令修行者

遠離於三界

及示寂靜法

最勝無上道

佛說是正經

餘者顛倒說

雖說法句義

斷三界煩惱

無明覆慧眼

貪等垢所纏

又於佛法中

取少分別說

世典善言說

彼三尚可受

何況諸如來

遠離煩惱垢

無漏智慧人

所說修多羅

以離於諸佛

一切世間中

更無勝智慧

如實知法者

如來說了義

彼不可思議

思者是謗法

不識佛意故

謗聖及壞法

此諸邪思惟

煩惱愚癡人

妄見所計故

故不應執著

邪見諸垢法

以淨衣受色

垢膩不可染

問曰以何因緣

有此謗法答曰偈言

愚不信白法

邪見及憍慢

過去謗法障

執著不了義

著供養恭敬

唯見於邪法

遠離善知識

親近謗法者

樂著小乘法

如是等衆生

不信於大乘

故謗諸佛法

智者不應畏

怨家蛇火毒

因陀羅霹靂

刀杖諸惡獸

虎狼師子等

彼但能斷命

不能令人入

可畏阿鼻獄

應畏謗深法

及謗法知識

決定令人入

可畏阿鼻獄

雖近惡知識

惡心出佛血

及殺害父母

斷諸聖人命

破壞和合僧

及斷諸善根

以繫念正法

能解脫彼處

若復有餘人

誹謗甚深法

彼人無量劫

不可得解脫

若人令衆生

覺信如是法

彼是我父母

亦是善知識

彼人是智者

以如來滅後

迴邪見顛倒

令入正道故

三寶清淨信

善提功德業

我略說七種

與佛經相應

依此諸功德

願於命終時

見無量壽佛

無邊功德身

我及餘信者

既見彼佛已

願得離垢眼

成無上菩提

已說論本偈經竟

究竟一乘寶性論卷第一四

稠林上直流反也衆也反 暄反一計 萎烏為反 蜂音峯 薑

糴音會反 弊音惡祭反 焦子消反 摸莫胡反

嬰兒盈上一反 灌音貫 爛郎旦反 懷妊禁下而反

懷子也 鑄音陶注 法椎下直反 打破頂上音 怯弱劫上反

若音翳 障一計反 鼾昌同 救下反 二

杵尺与反 摧散催上反 鎧苦愛反 奮正反 迅方上

問反振也 輻音福 跟音根 脯上音 恭反直也 跌

音夫足 蹠音或作躄 奕濡正作軟 纖廉息

細也 綱縵下莫官反 謂指如肘骨節反 靡皮苗

霹歷俗同赤古順反細方面

靈正用上色暗也偃也

作車也反頤網

稻軸青頤余縵

糧逐下睫上之鵝下

禾上音毛音也反掌莫或

澍音澍也接目額額

道注音嚮用下謂

電兩濡聲許正也指

角反兒如濡

完肘正

碎鹹也戶臂知作同

碾鹵鹹二官節柳軟

反上味音同反骨反字

下普也咸用全靡纖

音覓二益紺彼苗廉息

